

Skólalæping í Flataskóla

Fimmtudaginn 25. nóvember kl. 17:15-19:00 er foreldrum/forráðamönnum og öðrum þeim sem áhuga hafa á boðið til skólalæpingar í Flataskóla. Þar verður unnið að því að tengja skólastarfið okkar í Flataskóla við nýtt-komna og metnaðarfulla skólastefnu Garðabæjar.



Á skólalæpinginu verður unnið í hópum og gefst öllum tækifæri að koma skoðunum sínum á framfæri. Spennandi verður að sjá hvar styrkur okkar í Flataskóla liggur og hvar og hvernig við getum bætt okkur, en það er einmitt verkefni skólalæpingarinnar.



Nemendur Flataskóla eru velkomnir með foreldrum sínum og þá geta foreldrar og börn unnið saman. Með þeim hætti fá raddir barnanna hljómgrunn og þau því virkir þátttakendur í mótun lýðræðislegs skólastarfs.

Jólaleyfi verður í skólanum frá 20. desember til og með 4. janúar. Opið er í Krakkakoti alla virka daga í jóleyfi. Sækja þarf sérstaklega um dvöl þá daga.

Kennsla að loknu jólaleyfi hefst miðvikudaginn 5. janúar 2011.

Starfsfólk Flataskóla sendir nemendum og fjölskyldum þeirra bestu óskir um gleðiríka jólahátíð og farsæld á komandi ári.

Útgefandi: Flataskóli

Ábyrgðarmaður: Helga María Guðmundsdóttir

Ritstjórn: Stjórnendur Flataskóla

FRÉTTABRÉF FLATASKÓLA

2. tbl. 26. árg. nóvember 2010

Dagur íslenskrar tungu – endurnýjun Grænfánans

Dagur íslenskrar tungu var haldinn hátíðlegur í úti-kennslustofu Flataskóla, Vigdísarlundi við enda Stekkjarflatar, þriðjudaginn 16. nóvember. Starfsfólk og nemendur skólans komu saman í skreyttum lundinum og hlýddu á upplestur úr verkum skáldsins og lærðu um náttúruunnandann Jónas Hallgrímsson. Vigdísarlundur var prýddur Íslandslaufum sem nemendur rituðu á ljóð, náttúrulýsingar, nýyrði, mannanöfn tengd náttúru eða teiknuðu á landslag.



Sérstakur heiðursgestur var söngvaskáldið KK og tók hann lag sitt *Kærleikur og tími* með nemendum. Dagur íslenskrar tungu er jafnframt dagur umburðarlyndis á mannréttindadagatali UNESCO og var texti lagsins því samstíga yfirskrift dagsins að öllu leyti.

Við þetta tækifæri fékk skólinn Grænfánann öðru sinni og afhenti Björgólfur Thorsteinsson formaður Landverndar umhverfisnefnd Flataskóla fánann. Grænfánaverkefnið er alþjóðlegt verkefni til að auka umhverfismennt og styrkja umhverfisstefnu í skólum. Eftir fánahyllingu fluttu fimmtu bekkingar leikþáttinn Búkollu í tali og tónum í hátíðarsal skólans og dagurinn endaði síðan á því að allir nemendur fengu græna frostpinna til að gæða sér á í tilefni dagsins.



Skólastarfið hefur gengið einstaklega vel það sem af er haustannar. Veðrið lék við okkur á haustdögum og voru kennarar duglegir að færa kennsluna út fyrir vegg skólans. Markviss útikennsla hefur verið þróuð í skólanum síðustu ár og er einstök náttúra í nágrenni Flataskóla nýtt til úti-kennslunnar. Sú kennsla tengist einnig umhverfisverkefninu um Grænfánann.



Foreldrafélagið hélt af miklum myndarskap hausthátíð í byrjun september. Hátíðin tókst mjög vel og allir skemmtu sér þrátt fyrir úrhellisrigningu.

Nemendur hafa farið í ýmsar náms- og kynnisferðir og síðustu viku dvöldu m.a. nemendur í 7. bekk ásamt kennurum sínum við nám og leik í Skólabúðunum að Reykjum í Hrótafirði. Nemendur skólans hafa einnig farið á leiksýningar, heimsótt söfn, farið á tónleika og rithöfundar hafa heimsótt okkur í skólann. Á heimasíðu skólans má lesa nánar um það og einnig skoða myndir frá skólastarfinu.

Foreldraviðtöl voru í október og var nærri hundrað prósent mæting foreldra í viðtölin. Það er alveg frábært og sýnir áhuga foreldra á námi barna sinna. Viðhorfakönnun fyrir foreldra var send út í síðustu viku og verður opið fyrir hana til miðvikudagsins 24. nóvember. Það er mikilvægt að fá álit foreldra á skólastarfinu og einnig ábendingar um það sem vel er gert og það sem betur má fara. Niðurstöður verða birtar á heimasíðu skólans þegar unnið hefur verið úr könnuninni.

Nú er að hefjast jólaundirbúningur í skólanum. Við munum nú eins og áður leggja áherslu á að skapa rólegar og notalegar samverustundir saman svo aðventan verði sem flestum til gleði.



Jólagleði foreldrafélagsins 28. nóvember

Jólagleði foreldrafélagsins verður í Flataskóla sunnudaginn 28. nóvember kl. 13:00-15:00. Til staðar verður hráefni til jólakortagerðar og piparkökur til að skreyta. Jólalögin verða spiluð og áhersla lögð á að eiga notalega stund saman í upphafi aðventunnar.

Rugldagur 10. desember

Sú hefð hefur skapast í Flataskóla að einn dag á ári skipta starfsmenn um störf. Starfsmenn draga sér ný störf og leysa þau af hendi fram að hádegi. Nemendur vinna áfram eftir sinni stundaskrá en fá öðruvísi verkefni og kynntast nýjum starfsmönnum. Allir mæta í einhverju „skrýtnu“, t.d. í fötunum á röngunni eða með eitthvað furðulegt á höfðinu (ekki þó í búningum). Markmiðið með deginum er að hafa gaman af og fá tilbreytingu í skólastarfið, að starfsmenn kynnist betur störfum hvers annars og að nemendur fái tækifæri til að kynnst starfsmönnum á annan hátt.

Aðventuguðsþjónusta 12. desember

Sunnudaginn 12. desember kl. 11:00 verður hin árlega aðventuguðsþjónusta í Vídalínskirkju fyrir nemendur, foreldra og starfsfólk Flataskóla. Þar munu nemendur skólans koma fram og aðstoða við guðsþjónustu með tónlist, upplestri og helgileik. Við hvetjum nemendur og fjölskyldur þeirra til að taka þátt í guðsþjónustunni.

Jólaskemmtanir 17. desember

Nemendur eiga að mæta í bekkjarstofur og umsjónarkennari fylgir þeim í hátíðarsalinn. Vinabekkir eru saman á jólaskemmtun. Gengið er í kringum jólatréð og sungið. Nemendur í 2., 4. og 6. bekk sjá um skemmtiatriði og nemendur í 4. og 5. bekk flytja helgileik. Nemendur fara heim að lokinni skemmtun en opið er í Krakkakoti fyrir þá nemendur sem þar eru skráðir.

kl. 8:45-10:30

1. bekkur
3. MH
4. AG
5. OS
6. EÁ
6. HÞ
7. HSG



kl. 11:00-12:40

2. bekkur
3. SG
4. KP
6. HL
7. AH
7. ÁP